

安住淨律儀，珍貴善知識。
應如吉祥生，修學侍師規。
此及餘學處，閱經即能知，
經中學處廣，故應閱經藏。
首當先閱覽，虛空藏經部，
亦當勤閱讀，學處總集論，
佛子恆修行，學集廣說故。
或暫閱精簡，一切經集論。
亦當偶披閱，龍樹二論典。
經論所未遮，皆當勤修學。
為護世人心，知己即當行。
再三宜深觀，身心諸狀態，
僅此簡言之，即護正知義。
法應恭謹行，徒說豈有益？
唯閱療病方，疾患云何癒？

第五品終

第六品 安忍

一嗔能摧毀，千劫所積聚，
施供善逝等，一切諸福善。
罪惡莫過嗔，難行莫勝忍，
故應以眾理，努力修安忍。
若心執灼嗔，意即不寂靜，